

Hey Dude a habri su portanan en grande!



Den un ambiente hopi ameno, cu brassband y musica di carnaval, invitadonan por a disfruta y tambe a probcha di cumpra nan sapato y slof di Hey Dude durante nan grandioso apertura diahuebs ultimo.

E apertura a conta cu presencia di invitadonan distiguido, entusiasmo pa e yegada di e Hey Dude na Aruba.

Un marca conoci y original di Brazil, Hey Dude awo ta yega Aruba, y ta situa net dilanti di e Cruise Ship Terminal.


E marca aki ta reconoci pa su sapato y slof masha comodo, cu estilo y na un bon prijs. E filosofia tras di Hey Dude ta sapato cu ta esencial, confiable y comodo, cu ta haci bo bida mas confortabel y feliz, bo sapato favorito pa cualquier ocasion.

Hey Dude ta un di e varios negoshinan cu ta cay bao di e Famia di Boolchand's, un number cu na Aruba ta reconoci pa su bon servicio y calidad, y cu ta conta cu su fiel clientenan.

Pasa awe mes y cumpra bo sapatonan y slofnan di Hey Dude y sinti con confortabel nan ta.



Fotografo y periodista 'Django' Simoons a fayece



Ayera a bira conoci e tristo noticia cu colega di prensa, conocido fotografo y periodista 'Django' Simoons a fayece cu 79 aña di edad. E tabata conoci pa hopi den prensa como fotografo y redactor.

Como fotografo periodistico, Simoons tabata enfoca riba suceso riba caya, manera ac-

cidente y incidente policial. E tabata conoci pa su talento fotografico y tabata un colega hopi aprecia y keri den prensa di Aruba.

Bon Dia Aruba ta manda palabra di condolencia na famia y sernan keri di 'Django' Simoons. Cu Sr. Simoons sos-ega na paz.


Abogado di 'Diddy' Combs ta burla di caso di traficacion sexual den clausura

(AP) — Abogado di Sean 'Diddy' Combs a pinta e magnate di hip-hop ayera como e victima di un fiscalia demasiado entusiasta cu a twist su uso recreacional di droga y estilo di bida 'swinger' den un acusacion di conspiracion pa crimen organisa cu por pon'e den prison pa resto di su bida.

Den su argumento di clausura, abogado di defensa, Marc Agnifilo a burla di e caso di gobierno y a bagatela e agentenan cu a confisca centenares di boter di lubricante Astroglide y baby oil na su propiedadnan mientras el a cuminsa un presentacion spera di dura varios ora.

E abogado a bisa cu fiscalnan a "exagera" evidencia di e estilo di bida swinger y trio sexual pa combin'e cu uso recreacional di droga y yam'e un conspiracion pa crimen organisa. "E no a haci e cosnan di cual ta acus'e. E no a haci conspiracion pa crimen organisa y traficacion sexual," e abogado a bisa.

Agnifilo tambe a bisa cu e



proceso penal contra Combs ta un "huicio falso" y a ridiculisa e nocion cu el a comete crimen organisa. "Tabatin un testigo cu a subi e stand di testigo y bisa si, mi tabata parti di un empresa criminal - mi a participa den crimen organisa?" No, el a argumenta, bisando e hurado cu e acusacionnan ey ta un figmento di imaginacion di fiscalia.

Famia di Combs, incluy-

endo seis di su yiunan y su mama, tabata den e audiencia pa e clausura. Mientras e tabata tumando lugar, e rapper anteriormente conoci como Kanye West a publica un cantica cu yiu di Combs, Christian "King" Combs, titula "DIDDY FREE." West, kende ta usa e nomber Ye, a presenta den corte dos siman pasa pa sostene Combs.